



Broj: T18 0 KTO 0014122 20
Brčko, 23.02.2023. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, p o d i ž e m:

O P T U Ž N I C U

Protiv:

PREDRAGA VUKOSAVA ... rođen ... 1963. godine u Mostaru,

Što je:

U vremenskom periodu od 03.08.2007. godine do 06.12.2007. godine, u Brčko distriktu BiH, kao pripadnik zločinačke organizacije, u kojoj je sa podjeljenim ulogama zajedno djelovao sa Draganom Terzićem, Vladimirom Poparom, Željkom Perićem, u namjeri da sebi i drugom pribavi protivpravnu imovinsku korist, kod mikrokreditne organizacije „EKI“ filijala Brčko i Hypo Alpe Adria banka Tuzla, kao direktor preduzeća d.o.o. „Orlov Kuk“ Bijeljina i lično kao jemac stvarao uslove za podizanje namjenskih kredita u iznosu od po 30.000,00 KM i jedan u iznosu od 15.000,00 KM na formalne korisnike kredita koji su bili kreditno nesposobni, bez imovine, ali su za takvo postupanje dobijali kao naknadu novčani iznos od po 1.000,00 KM, pri tome navodeći neistinite podatke za formalne nosioce kredita i jemce, znajući pritom da ta lica neće moći vratiti prispjele mjesečne rate kredita, zbog čega je lažnim prikazivanjem činjenica doveo u zabludu službenike navedene mikrokreditne organizacije i banke i time ih naveo da na štetu svoje imovine isplate ukupni novčani iznos od 165.000,00 KM, pa je tako:

1. Dana 03.08.2007. godine, kao jemac lično i kao direktor preduzeća d.o.o. „Orlov Kuk“ Bijeljina, koje je samo formalno egzistiralo, svjestan da D. T. nije kreditno sposoban i da neće vratiti kredit, u dogovoru sa Vladimirom Poparom i Željkom Perićem, jemčio za dizanje kredita D. T. kod MKO „EKI“ Brčko, u iznosu od 30.000,00 KM po odobrenom kreditu broj: 0721400006 DDA 725684 od 03.08.2007. godine, znajući da D. T. neće vratiti kredit, a da on kao jemac neće namiriti nastalu štetu, te je time lažnim prikazivanjem doveo u zabludu službenike MKO „EKI“ Brčko, nakon čega je D. T. podigao navedeni iznos kredita, dok je za naknadu od 1.000,00 KM, predao ostatak novca Vladimiru Popari, čime su oštetili MKO „EKI“ Brčko za iznos od 30.000,00 KM,

2. Dana 16.08.2007. godine, kao direktor preduzeća d.o.o. „Orlov Kuk“ Bijeljina, koje je samo formalno egzistiralo, u dogovoru sa Vladimirom Poparom, dao dokumentaciju za jemca kredita M. G., lažno ga prikazujući kao zaposlenika svog preduzeća, čime je doveo u zabludu službenike MKO „EKI“ Brčko, iako svjestan da S. D. nije kreditno sposoban i nema namjeru da vrati kredit, naveo službenike da na štetu MKO „EKI“ Brčko odobre kredit, nakon čega su službenici uz pomoć ovakve dokumentacije odobrili kredit S. D., koji je na svoje ime podigao kredit u iznosu od 30.000,00 KM, čime su oštetili MKO „EKI“ Brčko za navedeni iznos,

3. Dana 17.08.2007. godine, kao jemac lično, svjestan da B. K. nije kreditno sposoban i da neće vratiti kredit, a da on kao jemac neće namiriti nastalu štetu, u dogovoru sa Vladimirom Poparom i Željkom Perićem, jemčio za dizanje kredita kod oštećene MKO „EKI“ Brčko u iznosu od 30.000,00 KM, a koji zahtjev za podizanje kredita je ispunio Željko Perić sa neistinitim podacima, te je lažnim prikazivanjem službenike MKO „EKI“ doveo u zabludu, nakon čega je B. K., ne znajući ko su žiranti koji su jemčili za dizanje ovog kredita, podigao iznos kredita, po odobrenom kreditu broj: 0722700100 DDA 735167 od 17.08.2007. godine, nakon čega je za naknadu od 1.000,00 KM predao ostatak novca preko posrednika M. P., Vladimiru Popari, čime su oštetili MKO „EKI“ za novčani iznos od 30.000,00 KM,

4. Dana 10.09.2007. godine, kao jemac lično i kao direktor preduzeća d.o.o. „Orlov Kuk“ Bijeljina, koje je samo formalno egzistiralo, svjestan da M. S. nije kreditno sposoban i da neće vratiti kredit, a da on kao jemac neće namiriti nastalu štetu, u dogovoru sa Vladimirom Poparom i Željkom Perićem, jemčio za dizanje kredita kod oštećene MKO „EKI“ Brčko u iznosu od 30.000,00 KM, koji zahtjev za dizanje kredita je ispunio Željko Perić sa neistinitim podacima, te je lažnim prikazivanjem doveo u zabludu službenike MKO „EKI“ nakon čega je M. S., podigao iznos kredita, po odobrenom kreditu broj: 0724800001 DDA 743232 od 10.09.2007. godine, pa je za naknadu od 1.000,00 KM predao ostatak novca preko posrednika M. P., Vladimiru Popari, čime su oštetili MKO „EKI“ za novčani iznos od 30.000,00 KM,

5. Dana 06.12.2007. godine, kao direktor preduzeća d.o.o. „Orlov Kuk“ Bijeljina, koje je samo formalno egzistiralo, u dogovoru sa Draganom Terzićem i Vladimirom Poparom, dao lažnu dokumentaciju za jemstvo kredita, čime je doveo u zabludu službenike MKO „EKI“ Brčko, te time naveo službenike da na štetu MKO „EKI“ Brčko na osnovu lažnih podataka i lažne dokumentacije odobre kredit, znajući da D. T. nema namjeru da vrati kredit, čime je na osnovu ovakve dokumentacije omogućio D. T. da na svoje ime podigne kredit u iznosu od 30.000,00 KM, čime su oštetili MKO „EKI“ Brčko za navedeni iznos,

6. U mjesecu julu 2007. godine, kao direktor preduzeća d.o.o. „Orlov Kuk“ Bijeljina koje je samo formalno egzistiralo, u dogovoru sa Branislavom Todorovićem i Draganom Terzićem, dao dokumentaciju za M. T. nosioca kredita, lažno ga prikazujući kao zaposlenika svog preduzeća, čime je doveo u zabludu službenike Hypo Alpe Adria banci, filijala Tuzla, iako svjestan da M. T. nije kreditno sposoban i nema namjeru da vrati kredit, naveo službenike da na štetu Hypo Alpe Adria banke Tuzla odobre kredit, nakon čega su službenici uz pomoć ovakve dokumentacije odobrili kredit M. T., koji je na svoje ime podigao kredit u iznosu od 15.000,00 KM, čime su oštetili Hypo Alpe Adria Tuzla za navedeni iznos,

dakle, s ciljem da sebi i drugom pribavi protivpravnu imovinsku korist, doveo drugoga lažnim prikazivanjem činjenica u zabludu i time ga naveo da na štetu svoje imovine šta učini, pri čemu šteta prelazi 30.000,00 KM, a postupao je sa ciljem pribavljanja imovinske koristi takve vrijednosti, te kao pripadnik zločinačke organizacije učinio krivično djelo propisano zakonom u Brčko distriktu BiH za koje se može izreći kazna zatvora tri godine ili teža kazna,

čime je pod tačkama od 1. do 6. učinio produženo krivično djelo –Prevara- iz člana 288 stav (2) u vezi sa stavom (1) i članom 55 Krivičnog zakona Brčko distrikta BiH („Službeni glasnik Brčko distrikta BiH broj 10/03, 6/05“) i krivično djelo –Zločinačka organizacija- iz člana 336 stav (2) u vezi sa stavom (1) Krivičnog zakona Brčko distrikta BiH („Službeni glasnik Brčko distrikta BiH broj 10/03, 6/05“) .

Предузимање радњи кривичног гоњења према одређеној особи не значи да је та особа заиста и одговорна за почињење кривичног дјела. Према принципу пресумпције невиности, свако се сматра невиним за кривично дјело док се правоснажном пресудом не утврди његова кривица
